



Broj: 01/3-50-3-3-13/17

Sarajevo, 1.2.2017.

KOLEGIJU PREDSTAVNIČKOG DOMA  
PARLAMENTARNE SKUPŠTINE  
BOSNE I HERCEGOVINE

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 07-02-2017			
Organizaciona jedinica	Klasifikaciona oznaka	Redni broj	Broj priloga
01/3-	50-19-	390	17

**Predmet:** Izvještaj o radu Komisije za 2016. i ORP Komisije za 2017., dostavljaju se

**Veza:** Vaš akt broj: 01-50-2-14-40/16, od 14.12.2016.

Komisija za vanjsku trgovinu i carine Predstavničkog doma Parlamentarne skupštine BiH na 13. sjednici, održanoj 1.2.2017., usvojila je svoj Izvještaj o radu za 2016., koji vam dostavljamo u daljnju proceduru, s prijedlogom za usvajanje.

Također, na istoj sjednici Komisija je razmatrala zahtjev Kolegija Predstavničkog doma u proširenom sastavu u kojem se traži da Komisija za vanjsku trgovinu i carine dostavi mišljenje i prijedloge materijala za koje će biti predlagač, a radi izrade Orijentacionog radnog plana Predstavničkog doma PSBiH za 2017. godinu.

U vezi s tim, Komisija je zaključila da ne planira predlagati materijale koje bi uključili u Orijentacioni radni plan Predstavničkog doma za 2017.


Komisija je na navedenoj sjednici usvojila svoj Orijentacioni radni plan za 2017. godinu koji će uskladiti s Programom rada Vijeća ministara BiH za 2017., kada bude dostavljen.

**Prilog:** Izvještaj o radu Komisije za 2016. i Orijentacioni radni plan Komisije za 2017.

S poštovanjem,

Dostaviti:

- naslovu
- a/a



Predsjedavajući Komisije  
Šemsudin Mehmedović

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ  
ПРЕДСТАВНИЧКИ ДОМ**

Комисија за спољну трговину и царине



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM/ZASTUPNIČKI DOM**

Комисија за ванјску трговину и царине  
Повјеренство за ванјску трговину и царине

---

Број: 01/3-50-3-3-13/17

Вежа: 01-50-2-14-40/16

Сарајево, 1.2.2017.

**ORIJENTACIONI RADNI PLAN  
KOMISIJE ZA VANJSKU TRGOVINU I CARINE  
PREDSTAVNIČKOG DOMA PARLAMENTARNE SKUPŠTINE BiH  
ZA 2017. GODINU**

**Sarajevo, januar 2017. godine**

Na osnovu člana 46., a u vezi s članom 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Komisija za vanjsku trgovinu i carine Predstavničkog doma Parlamentarne skupštine Bosne i Hercegovine, na 13. sjednici, održanoj 1.2.2017. godine, u svojila je

## **ORIJENTACIONI RADNI PLAN KOMISIJE ZA VANJSKU TRGOVINU I CARINE PREDSTAVNIČKOG DOMA PSBiH ZA 2017. GODINU**

### **Uvod**

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju vodeći računa o rokovima i kontinuitetu sjednica, kao i saradnji koju predlože nadležni organi Bosne i Hercegovine ili međunarodne organizacije.

Na osnovu člana 46. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), u daljnjem tekstu: Poslovnik Predstavničkog doma, Komisija će u okviru svoje nadležnosti razmatrati pitanja koja se odnose na:

- vanjskotrgovinsku politiku,
- sporazume o međunarodnoj trgovini,
- carinsku politiku,
- tarife, propise i zakone iz svoje oblasti,
- međunarodne obaveze Bosne i Hercegovine,
- odnose s međunarodnim trgovinskim institucijama i
- druga pitanja iz oblasti vanjske trgovine i carina.

Cilj Komisije je da se planirana ili predložena pitanja razmatraju na vrijeme i da aktivnosti budu usklađene sa zahtjevima Kolegija Predstavničkog doma PSBiH.

Predviđena aktivnost Komisije za 2017. godinu prevashodno se zasniva na planu aktivnosti Vijeća ministara BiH, te na specifičnim aktivnostima koje proističu iz njene nadležnosti utvrđene Poslovníkom Predstavničkog doma.

Materijale koje Vijeće ministara BiH uputi u parlamentarnu proceduru Komisija će blagovremeno razmatrati u skladu s rokovima predviđenim Poslovníkom Predstavničkog doma, a Plan rada Komisije bit će fleksibilan i prilagodavan aktuelnim temama.

Za uspješnu realizaciju Orijentacionog radnog plana potrebna je tehnička podrška Sekretarijata Parlamentarne skupštine BiH, kao i saradnja sa institucijama u čijem djelokrugu su pitanja iz nadležnosti Komisije.

## **ORIJENTACIONI PLAN RADA PO KVARTALIMA**

### **JANUAR – MART**

#### **a) Zakonodavna aktivnost**

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

#### **b) Ostale aktivnosti**

- Izvještaj o radu Vijeća ministara BiH za 2016. godinu u dijelu nadležnosti Komisije:
  - a) Ministarstva vanjske trgovine i ekonomskih odnosa BiH,
  - b) Ureda za veterinarstvo BiH,
  - c) Uprave BiH za zaštitu zdravlja bilja,
  - d) Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju BiH,
  - e) Agencije za sigurnost hrane BiH;
- Izvještaj o radu Upravnog odbora Izvozno-kreditne agencije BiH za 2016. godinu;
- Izvještaj o radu Komisije za 2016. godinu;
- Orijentacioni radni plan Komisije za 2017. godinu;
- Iniciranje bilateralnih susreta sa srodnim komisijama parlamenata zemalja s kojima imamo trgovinsku razmjenu, a prvenstveno sa zemljama susjedima;
- Razmatranje drugih materijala koji su, prema Poslovniku, u nadležnosti Komisije.

### **APRIL – JUNI**

#### **a) Zakonodavna aktivnost**

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

#### **b) Ostale aktivnosti**

- Izvještaj iz oblasti poljoprivrede za Bosnu i Hercegovinu za 2016. godinu;

- Radna posjeta komisijama/odborima parlamenata Hrvatske ili Crne Gore koji imaju nadležnosti srodne Komisiji za vanjsku trgovinu i carine;
- Razmatranje drugih materijala koji su, prema Poslovniku, u nadležnosti Komisije;
- Radna posjeta članova Komisije institucijama u BiH čiji je rad u nadležnosti Komisije;
- Zatražiti informaciju od nadležnih institucija o strategiji razvoja infrastrukture kvaliteta u BiH.

## **JULI – SEPTEMBAR**

### **a) Zakonodavna aktivnost**

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

### **b) Ostale aktivnosti**

- Radna posjeta komisijama/odborima Sobraanja Makedonije koji imaju nadležnosti srodne Komisiji za vanjsku trgovinu i carine;
- Razmatranje drugih materijala koji su, prema Poslovniku, u nadležnosti Komisije;
- Radna posjeta članova Komisije institucijama u BiH čiji je rad u nadležnosti Komisije.

## **OKTOBAR - DECEMBAR**

### **a) Zakonodavna aktivnost**

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

### **b) Ostale aktivnosti**

- Radna posjeta odborima Narodne skupštine Srbije ili komisijama/odborima Parlamenta Kosova<sup>1</sup> koji imaju nadležnosti srodne Komisiji za vanjsku trgovinu i carine;
- Razmatranje drugih materijala koji su, prema Poslovniku, u nadležnosti Komisije;

---

<sup>1</sup> Bosna i Hercegovina nije priznala Kosovo kao državu.

- Radna posjeta članova Komisije institucijama u BiH čiji je rad u nadležnosti Komisije.

Komisija će prijedloge zakona razmatrati ako budu dostavljeni u parlamentarnu proceduru kao i ostale akte – informacije i izvještaje iz nadležnosti Komisije.

### **c) Organiziranje radnih sastanaka s velikim vanjskotrgovinskim organizacijama iz BiH**

Na osnovu odredbi člana 38. Poslovnika Predstavničkog doma PSBiH, organizirati radne posjete članova Komisije i održavati radne sastanke s bh. organizacijama s velikim vanjskotrgovinskim prometom radi upoznavanja članova Komisije s načinom rada i problemima iz oblasti vanjske trgovine i carina.

### **Ostale aktivnosti**

Prema ukazanoj potrebi, Komisija će organizirati radne sastanke s predstavnicima Ministarstva vanjske trgovine i ekonomskih odnosa BiH, UIOBiH, Instituta za standardizaciju, Instituta za mjeriteljstvo, Instituta za akreditiranje, Uredom za veterinarstvo BiH, Upravom BiH za zaštitu zdravlja bilja, Uredom za harmonizaciju i koordinaciju sistema plaćanja u poljoprivredi, ishrani i ruralnom razvoju BiH, Agencijom za sigurnost hrane BiH, Vanjskotrgovinskom komorom BiH, Vijećem za zaštitu potrošača BiH, nadležnim entitetskim ministarstvima, Vladom Brčko Distrikta BiH, Privrednom komorom Federacije BiH, Privrednom komorom Republike Srpske, nevladinim organizacijama i udruženjima proizvođača i sa svim drugim institucijama čiji je rad u nadležnosti Komisije, s ciljem smanjenja carinskih barijera prilikom izvoza bh. proizvoda, povećanja izvoza, odnosno smanjenja vanjskotrgovinskog deficita.

Članovi Komisije učestvovat će na konferencijama i seminarima koji se odnose na oblasti koje su u nadležnosti Komisije.

Na sjednicama Komisije bit će blagovremeno razmatrani i novi materijali koji pristignu, a prije svega prijedlozi zakona iz nadležnosti Komisije i inicijative ovlaštenih predlagača.


## **Z A K L J U Č A K**

Komisija za vanjsku trgovinu i carine nastojat će u potpunosti realizirati planirane aktivnosti.

Plan rada za 2017. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisiće od prijema materijala od institucija koje ih šalju i zaduženja od Kolegija Predstavničkog doma Parlamentarne skupštine BiH.

Nove obaveze koje se mogu pojaviti, a koje nisu predviđene planom, bitće blagovremeno razmatrane.

**PREDSJEDAVAJUĆI KOMISIJE**  
**Semsudin Mehmedović**  
